

躬心全文鈔 十冊



05363

甯遠縣東境最短縣志有縣東三十里之霧頭嶺以高聳如石

雲霧故名相近五里許有緞嶺山形如張緞又東十里有霧

雲山為縣東諸山之最望之雲霧滃然迤南岡巒起伏由藍山

境繞出九疑直接蒼梧臨賀諸山池北則大富山兩峯對峙宛

若城郭山頂中峯有古庵花木秀蔭尤為勝境 見於一統志

者有縣東四十五里之太源山相近有黃花源山地皆仙政水

所出按縣圖於東南隅山下注大小源而志僅載黃花源於墟

落門二山皆不載何其疎也 又縣志附載諸源則有縣東鄉

之東嶺地及墟落門距縣二十里之獅子嶺三十里之牛鴉嶺

唐家山里之大腹嶺及抵藍山界之沙河有惠風亭相近

稍北數里有石龍山有石門可通名石門山 舊設石龍鋪又

寺觀門有縣東五十里之竹子嶺二十五里之白洋嶺四十五

躬恥齋文鈔 卷十六 地志 一 越峴山館采

里之承盤嶺四十里之南華山 又縣志古蹟門城東十里有

塔石其石如塔相傳仙人所遺 又縣東十里有小山曰城頭

砦上有朝陽庵庵中古柏大逾四十圍千百年物也 又縣東

五里許為豐陂洞上有九獅嶺以山形猶怪如羣獅故名明縣

人于材之墓在焉相近有天陰坪鄧球之墓在焉 又縣志亭

障門有東鄉黃茅岡上有亭其距城里又楊家嶺上有連

雲亭其距城里又楓木山有楓葉亭其距城四十里亦未

可略也 又縣東里有石佛巖巖竇幽闔中有佛像皆石

乳凝結所成上有古藤由頂下垂遊者緣藤而登秉炬而入焉

其縣東北五里泰伯祠之上為至德山其下出泉蔭注萬頃

名讓泉西為逍遙巖巖外有天然石龜形甚鉅前列亭臺中有

乳石懸挂如垂蓮狀左竇上有竈可望大富山右竇通往來直

中有突石若獅子巖後有圓門可俯而出距巖三十步又有響

石擊之其聲清越宋李挺祖道遙洞三字石刻尙存 國朝錢

塘徐恒月善化張九思徐旭旦惠安會銜皆有詩距道遙巖半

里爲大富山形如縱馬一名黃馬山縣之主山也地脈由此起

伏成縣治山側有鼓吹石石孔吹之作鼓吹聲大富山下有潭

曰洗藥池俗傳秦伯逃荆蠻時洗藥處荒遠無考 國朝余演

有詩又五里爲白面山古爲砦上有羅仙祠 又縣東北二十

里有大谷山叢峯連嶠不可名狀一統志相連有大谷巖巖分上

下上巖有白石下垂大者如孟小亦徑寸長皆三四尺巖頂有

泉若澄潭浸其內門不能入遇水淺涸水取之外門石刻多剝

落有元營水主簿某題爲小桃源外有石壁削立丈許有五方

孔平列左從地斜上六七小孔若梯痕土人相傳濂溪先生曾

於此築樓讀書巖水從石級涓涓流下注下巖別成小澗灌田

下巖軒豁數丈深不可測頂垂石乳如蜂房如挂衣中立石壁

窮恥齋文鈔

卷十六

地志

二 越峴山館棗

有二水從石竇左右分流一深遠不能測一泉溜宛轉出石腔

從巖口去相傳道遙巖洗藥池水源本此蓋伏流復見也 又

東北有小谷 又縣東北二十里有蒲家嶺 里有赤灣嶺

又縣東北六十里有白石山一統志延袤十餘里崖壁皆

白又十里有追涼山 又縣東迤北有分水嶺一統志作縣東

一百二十里接縣東北境僅嶺頂有水分流一西北流注祁陽

四十里其地必漸迤而北耳縣志作

界一東南流注春水流今從縣志自折置新田縣後此山隸

新田境姑仍一統志載之 縣北稍東爲古東鄉其地距城百

里有石溪邨邨中通祁陽山徑有石門兩石壁對峙如門闕廣

六尺高丈許先是石壁礙道相傳有二異人過此手攀足躡遂

開爲門痕迹宛然左壁有杖罈痕深二寸如杯水溢不竭壁上

綠苔下垂如髮石巷中石甍建亭冷風颯爽盛夏忘暑右石

壁如圍屏古樹躡根其顛如巨爪踞石罅蒼藤圍繞不知爲何

代物亭前奇石層疊餘如蓮花蕉葉龜猿魚鳥不可勝數石巷
左有小峽壁間一孔斗大石形橫斜若燕尾下深數尺名月明
窩順治間土人於中獲鐵箭外篆古銘中貯白金孔外立石一
片大叩鐘鳴小叩磬鳴下有方白石可對弈豎亭其上名仙局
亭稱東鄉仙蹟云石門下二里平田中突起沙坪高八尺廣丈
餘中有沙井如硯池無穴罅其水細沸沙上若金粟俗稱米篩
井遇旱潮汐倍常色赤黃可資灌蔭潮汐落則如枯井故老相
傳云下有神犀旱湧泉者犀轉身耳石門之南捫蘿而上約百
餘武有平阜可坐數百人左踞嶺右接石岑橫開一洞若龍口
洞中崖上卓立一巨石人具鎧胄狀傳聞昔有真人修煉隱形
石間故名棲真洞左壁削而上不及巖背者尺許平布石榻榻
側空洞黝然不測洞左有巨石如獅後足踢地頭連巖背崖下
爲一竅天俯伏而入尺許即可立行數武有石爲丹竈外圓中
躬聆齋文鈔

卷十六

地志

二 越峴山館棊

空有二孔頂中一孔圍五六寸與旁孔通舉燭觀之雲氣從石
罅出如爐煙洞中諸石圓如鐘方如磬長如琴瑟扣之音叶鍾
呂出洞登崖錦石磊砢踞巔曠覽迴越塵境 一統志謂縣東

北百三十五里有上流山山勢連纍如水波相屬故名上流下
流云按其地當北境稍東接壤新田縣界 又縣東北廣濟鄉

韓溪有蕩頭巖其巖深長中出水爲溪祈雨輒應 又東北鄉

有楊梅巖洞中石如楊梅 又縣東北九十里接新田縣界有

春陵山一名仰山一統志。方輿勝覽作距縣七水經注言都

谿水出春陵縣北二十里仰山者是也五山相接峯峭秀拔方輿

勝覽橫亘百餘里高出雲表爲縣西北一帶羣山之祖迤西轉南

與縣前黃嶺會迤北歷新田界至黃馬山爲縣護衛東西二鄉

參錯數十邨當山之陽如在懷抱其右近西北一面爲黃筴崗

接陽明山山後則小米礪石二崗倚焉新境北鄉居其東縣志山

下有白水陂卽春谿水所出省志流分數支實山水奧區也舊經

云帝舜南巡崩于蒼梧後聞九疑大阜有鐘自春乃韶樂遺器

故名春陵山上有光武廟按建武初追封節侯爲皇高祖置齋

夫守陵疑節侯墓在此山故又曰洛陽山猶南陽白水鄉之稱

春陵也其廟疑卽陵寢舊趾迄今石獸尙存下有大石碑三字

磨滅不可識山巔有雲起則雨雨久而晴必先開霽里人以此

決晴雨無不驗者舊志云山分嶽新田縣南鄉三都唐釋皎然有詩其縣東南

四十里九峯之西麓牀之南淹水口之東有萬歲山地平可望

舜廟北面有仙洞晉宋閒置觀於上昔傳人過其下聞山神呼

萬歲者三故名又名嶂山一作嶂又名存山舊有藏院遺址山

南有三牛石角足皆具有上雲氣相近爲天門山平地直峙

千餘尺雖晴霽不見其頂望之如天門又東南十里爲牙梳

嶺九疑深處山勢高峻登高眺之儼然如梳又縣東北二十

躬恥齋文鈔地志卷十六 四 越峴山館采

里黃連山在古東鄉多黃連木有巖窈密中通一統志中有石乳結成

神像 又縣東南 里有猴巖 里有唐福嶺 里有

劉家山 又按郡圖東南又有大龍山諸志皆不詳 又縣東

南三十五里有月帔巖一統志九疑支山也石上有跌坐遺迹相

傳梁武帝時有異僧自南嶽來止巖中忽臨溪沐浴隱去畱所

衣月帔挂林閒故名宋黃甲詩巖下爲由邨洞相傳許由曾遊

其地邨側有無尖峯峯尖平斷如鋸旁落一小峯倒垂廣狹相

等若經神劈者又有仙母巖懸崖峭壁攀緣可上上有祠明時

碑記猶存 甯遠之山唯九疑爲最大唯紫霞爲最奇紫霞巖

在舜源峯之東古斜巖也其距縣東南七十里唐薛伯高以其

石磴斜上峭壁欲仄如坡勢故以斜名之宋至道初張觀守道

州改名紫虛明嘉慶六年黃焯來遊更名重華三十二年邑令

何其賢復改稱紫霞巖巖外古木蒼煙縈拂陰靄石田鱗次布

其下洞口爲仙梯亭當洞門有石乳結成兩柱圍數丈高十丈舊云崖間突出石龍頭角畢肖口噴飛泉震以鼓吹則泉潰湧今首惜椎損靈蹟大減入門而升爲平臺昔有巫師居此多像

九疑山志作二

設其上爲鐵門相傳冷鐵封錮人莫敢闢左竇闊二丈尺深不可測執炬而入寒風颯然東行百步漸見通豁懸壁疑乳具車蓋花果雲霞鳥獸諸狀又有石槎大數圍溫潤有光而天然石人列坐若師弟子者曰讀書堂昔人嘗聞書聲振空谷焉再進有白石赤石結成兩門闕過此有清泉流沙上瀦洞九

折必厲揭乃過稱九渡舊有石梁今久圯矣水中多瑩石產文魚縣志云九度其中高處有三竅上通天光曰三光洞入窮無

際兼有風洞雲洞雷洞雪洞之異昔人云由此潛探直通粵東

連州近達東鄉楊梅洞云宋治平中沈紳蔣之奇以元次山無爲洞之名篆刻紀遊寇準陶定亦嘗遊此有題名更有墨迹雷

躬恥齋文鈔 卷十六 地志 五 越峴山館采

壁間者邑人宋樂雷發有遊紫霞巖賦明郭崇嗣金椿蔣向榮

邑人歐朝珥歐陽哲逸民且寓 國朝徐旭旦石文成孫祚泰

邑人樂之祁皆有詩按九疑山志誤讀鄧雲霄遊記所云有石如麋墨及縣志云紫霞巖內五渡有石麋墨之贅文妄引漢官

儀尚書令僕丞郎月賜陶麋墨一事竟誣稱月給陶爲漢之官

丞郎者嘗遊此巖遺墨二枚太失不經亟削正之又有高士巖

在縣東南一統距舜祠西二里一名嘯父巖宋邱欽若始易今

名明統方輿勝覽云舊名野猪巖唐時有獵者遇羣豕逐之入

巖不見乃卽其地掘之得樂器一部以獻于朝事見王維賀表

今按維表所陳道士申泰芝疏文先稱九疑山桂陽石室復云

往桂陽尋問道流之言本非典要但當時旣稱桂陽不當更屬

甯遠姑仍省志錄表存志怪之說云高士巖側有宋時監簿劉

子登書堂故址子澄出朱子之門嘗聚徒講學於此 又有土

瑄巖亦在縣東南一統志距舜源峯五里舊志漢哀帝時零陵文學

奚景於冷道舜祠下得玉瑄十二獻之朝元和志方輿勝覽謂今

舜祠後石室即奚景得玉瑄處也巖峭立突兀不依羣岫上有

淳祐中李挺祖題額及八分書漢蔡邕九疑山銘旁有方信孺

九疑山三字甚大歷代題刻甚多並詳金石略巖前天皇元年

舜碑常在謂是咸通中羽流所為誠不足錄其所稱堯時何真

元舜時為何侯者不必定有其人也後人於石室丹竈及巖中

九井產金蝦蟆者悉實之為何侯修鍊遺迹并云巖前為其故

宅均失之誕矣 國朝邑令徐旭旦於康熙中重修有記宋黃

甲 國朝曾鈺孫祚泰皆有詩明林遂鄧雲霄及今徐旭旦所

咏則皆賦何真元石室之作近邑人李承綱則有題蔡邕銘後

詩 玉瑄巖下無為洞在永福寺東十步舊名嘉魚洞洞中出

泉是生嘉魚唐元結始改名有結及貞元間李嶠篆刻存焉其

躬恥齋支鈔 卷十六 地志 六 越峴山館栗

水通碧虛橋明統志南注舜溪天聖中僧雲亮就洞口築隄成

池池上有亭皆名碧虛蓋宋時亦稱洞為碧虛也距洞五里有

南北二徑其一通舜峯一通此洞行二十里得石穴通天光內

有元結永泰中題名參一統志明統志碧虛池一日浸碧池生蓮

花玉色可愛俗呼白孩兒蓮志元結有無為洞詩宋沈紳有銘

蔣之奇有碧虛巖銘 國朝為之詩者惟樊希仲孫祚泰孫支

虛池詩小序出永福寺不數武為碧虛池大石側立下有清泉

淙泓即從無為洞出洞在裏由齊雲閣側有口可入云高山之

下水自古今靜鑒我形動洗我心有流不竭知來 玉瑄巖之西

者深閒坐拂石披我素琴魚龍出沒古調愔愔 玉瑄巖之西

魯女觀前古有桃花洞上有桃花臺厥後巖石漸削多變而為

田矣舊志云洞去舜祠十五里 九疑山之名先見於山海經所謂南方蒼

梧之邱音蒼梧之淵 史記注作泉 別本作川 有九疑山及注云舜之所葬在

長沙零陵界者是也史記云舜葬於江南九疑是為零陵遺嘗

探闕九疑求古冊文焉漢書文穎注云山半在零陵半在蒼梧

在子注楚自漢時迄隋隸營道縣山下有舜祠歷代祀之今甯

遠南境實古營道也唐時距唐興延唐皆稱東南一百里今山

僅去縣南六十里舊縣遠而今縣近也其山蟠基蒼梧之野峰

秀數郡之間羅巖九舉各導一溪岫壑負阻異嶺同勢遊者疑

焉故曰九疑山水經注○漢書注皇覽云山有九峯皆相

廟仰山極高直上可百餘里罕有登其峯者卽三分石亦稱三

峯者也望之似人形映出雲端如積玉神境高出諸山之表峯

頂有飛泉如練帶泉分三派向南流者分注兩粵北流一派爲

古營水之祖源俗稱父江源相傳上有古塚以銅爲碑或疑卽

舜所葬處人推爲九疑主山尊之曰舜峯三峯以下乃列九峯

一日宋明去舜峯西二日石城三日石樓二峯皆在四日娥皇

其五中峯曰舜源六日女英元和志云七日簫韶漢置冷道在

云下爲象耕種處在舜峯西十五里八日桂林在舜九日柘林一作

野距縣南三十里一峯特起者是十曰越峴山館采

躬恥齋文鈔

卷十六 地志

七 越峴山館采

梓林元和志周義山開石而得仙經處九疑圖記峯在江華界

出洄水與馮水會據此漢書如淳注謂九疑在馮乘亦未定也

實九水所發源方輿紀要云宋明爲瀟水源石城爲沅水源石

瀑水源女英爲馮水源娥皇爲池水源舜源亦名華蓋爲

源桂林爲馮水源梓林爲泗水源萬谷源會洞天宵深形勝

道家洞天記第二十三洞天九疑山周合雲卷霧分隔天日宇

迥三十里名相真太虛之天在道州神異九峯皆生石松二

如峯多出淚竹舜廟連理雙樞參天對峙樹杪時出雲氣三峯

頂石上產仙耳娥皇峯下有舜池春日百鳥生卵取之輒迷路

舜源峯茁紫蘭九節蒲世皆稱異其怪石之肖形者若桃若筍
若鼎若權桃筍鼎在三峯更不勝計也漢蔡邕有銘晉庾闡有
九疑采藥詩唐元結作九疑圖記登九疑第二峯詩宋元豐間
邑令孟程有說邑人黃表卿有賦後之爲記者則有若明鄧雲
霄蔣鑄裴叔度錢邦芭唐以來詩人則有宋之間李頎李白戴
叔倫呂溫柳宗元朱慶餘許渾張泌胡曾劉望邑人李邵僧齊

已未黃佐李邦彥元元好問明邵城吳鵬楊廷和陳良珍周子
恭尹襄蔣鑄鄧雲霄郡人蔣向榮桑日昇邑人雷復李敷歐那
孚僧且寓 國朝高珩徐旭旦徐杲徐恒月徐演鍾興誥楊汝
穀鍾人文石文成陳肇奎汪輝祖孫祚泰邑人王定元楊登頌
李承膺楊登訓楊季鸞其賦雙楮及秋蘭者則徐旭旦陳肇奎
也山下有青澗是生黃色蓮花山徑沿澗而上者曰上西灣下
西灣嵒人多居兩灣之間鄧雲霄有兩灣詩舜源峯右有石臺
其前有犬馬小馬兩峯山形如馬 又有雙蝶嶺兩山相對如
蝶對飛舜源峯左有屏旗諸峯道斜巖度桑塘澗為桑林
漲成塘渠徑呼
豬馬蹠二峽呼豬者卽申泰芝所稱逐五野豬變天樂者也

舜源峯下又有菖蒲澗蒲水或以此得名縣志中多九節蒲服
此遇異人身有長毛
寸餘語以服蒲之方蕭韶峯之北為麓牀山有三級第一麓牀

有石長一尺六寸人跡彷彿第二麓牀有二石鑑寒光圓瑩可
躬恥齋文鈔

卷十六 地志

八 越峴山館棗

照鬚髮第二麓牀有天湖水常自溢中有禽大如雁錦羽尾長
六尺湖東有仙洞洞左右二石人如冠劍而立又路旁有巨石
龜又有修真石壇四第一壇有茜草長丈餘如虎鬚古人煉丹
鑄釜猶存第二壇有清池東流有齊永明中所鑄鐵磬十二枚

第三壇有石牀笙竹大者二尺圍第四壇有石盆水出不竭酒
類宋乾道間汪秦二道人嘗修煉於此陶公唐李邵有麓牀石
鑑詩山側故有梁時無為觀唐元結有詩 玉瑄巖前永福寺

齊雲閣側有巖地甚深遂出水與無為洞通常有二青鳥棲宿
其間土人刻釋氏所傳大士像名觀音巖 距永福寺一里許

有白馬巖舊傳有女道士修煉巖中一夕乘白馬飛去巖中有
鐘乳下有石盆水不盈升取之不竭 永福寺西北一里又有

巖高峯直突由竇而登如層樓狀名曰石樓巖炬而後入上刻

仙樓巖字有宋淳祐丙午郡守李襲之江華李挺祖題名明邑

令何其賢因其勢如蟠龍改名飛龍巖鐫銘於上 國朝孫祚

泰揚大章有詩寺左又有川僧巖焉昔有蜀僧長夜居其中後
化去因名 九疑之麓麗山有象石巖巖中明如初旭有石如
象宋樂雷發讀書於此有銘 灌溪宅後又有讀書巖土名夏

漢祖中一石池水清冷從石竇出不溢不竭相傳雪磯樂氏亦
曾讀書其中有碑今磨滅難識 九疑山下田心邨有綠華巖

昔傳萼綠華修煉於此故名明于材有記 北灌山在九疑深
處女冠羅郁修煉於此卽道書所云萼綠華夜降羊權家者也

羊權山在舜源峯南道家謂權字道學晉簡文時黃門郎羊
欣祖也萼綠華一月輒六過其家授藥仙去山前舊有羊仙觀

其下有權故宅 與郁並稱者曰魯女舜源峯西北有峯名魯
女峯焉真誥云九疑山女冠魯妙典遇仙謂曰此山大舜所理

天地之總司九州之宗主也古有高道之士作三麓牀可以棲
躬恥齋文鈔 卷十六 地志 九越峴山館棗

庇風雨宅形念真因築壇其上授以靈藥今石壇上有履跡峯
勢峻削礙日蹴雲信神仙窟宅與宋黃甲有詩 九疑考又云

仙女惠歸居蕭韶峯緜仙姑亦至九疑成道名山略記云九疑
山漢未有張正禮魏有洽明期皆服食羽化者 舜峯東南有

三界峯三峯突起高接雲表躋其巔南眺五嶺北望三湘歷歷
在指顧閒下視諸峯羅列皆如培塿 又有天柱山在三台山

東孤峯獨峙壁立秀舉嶺次丹楓巖懸青石紫翠繽紛儼若圖
繪 二台山在舜峯北晴霽望之雲氣常騰於上其東則爲紫

荆山 又萬歲山之西南有玉樓峯其南爲集賢峯與萬歲山
相對者爲五指山其距縣三十里五山相連聳翠如指南而舜

源西當玉瑄又名五臣峯舊有迎賓臺久廢五指山之南忽從
九峯別分支山飛翥而下曰天鷲山山腰古剎中有石卵二枚

大可四圍相傳建剎時掘地所得俗稱天鷲卵山因以名路亭

王氏世家茲山之麓明萬厯中鄧雲霄遊九疑顏其館曰虛堂
自明以來祭告使者多畱題焉 近五指者爲淹口山在演武

營之東爲九疑門戶兩岸陡仄山風從谷口怒號冷如嚴冬

國朝石文成有詩下爲淹口巖當淹水之衝 又有萬安巖在

太平鄉九安坊郡志作九牛腹外眺光霽入內必炬而行中有臺可躋

又有洞晃朗通明下有清泉南繞味甘美其間有穿巖形若垂

虹南北通貫從下望之如月當空高峻難以登眺 又太平鄉

蜂田之東有高巖路甚險峻有懸流必絙渡乃入相近有華巖

東向日華故名 九疑以南四十里亦有分水嶺南注連州北

注縣境省志 又九疑志亦有斑竹巖山故產淚竹今徵索者

多漸已盡矣 又縣南三十里有滂嶺下皆沃壤遇雨瀉淖難

行 相近有楊梅嶺山多楊梅故名 又縣南三十五里紙棚

邨有梯子洞出泉成渠昔有道士引以救梨壁源之旱因名仙

躬恥齋文鈔 卷十六 地志 十 越峴山館采

人溝相近有龍口潭每日初曙潭上雲氣滃然 又縣南四十

里接壤道州有梅岡而舊郡志新舊省志又書縣東北七十里

或兩地而一名與 又縣西南三十里有塔岡縣南二十里有

望岡省志 又縣南三十里有維山其上多古松 又縣南仙政

鄉有叢石山明鄧雲霄有歌 又縣南二十里有永樂山一名

野鹿岡山下有泉名永水亦曰金泉東南流入巽江一統志 山麓

有庵 又縣南二十里有卦山兩山相對其形如立筭故名距

北十里爲金印山其形如笠土戴石方平狀如印勢應縣治前

邑令建塔於上 又縣西南四十里有明月山上有庵 相近

有桂嶺上多丹桂桂水出焉 其西又有梅嶺上多梅花梅水

出焉 又丹桂鄉有龍巖相傳巖有龍吟聲則其鄉有登賢書

者巖臨瀟水之澗居太陽溪之上游其上有寺鄉人復建登龍

書院焉 又縣南三十里有黑山卽大陽山坳當險要上有寨

址下爲黑山巖洞中幽黯必炬而入山下部落名大陽洞道州周氏之故居其水卽大陽溪溪之下流北十里有山嘗有鶴飛鳴于其上曰鶴鳴山與鶴鳴山對峙者曰黃邨嶺瀟水徑其下

又縣南有仙杖嶺其麓爲渠曰彭祖溝其邨卽名彭祖邨通黑山之水相傳彭祖以杖畫山遂成深渠或塞之雷雨大作與舜溪彭祖釣磯並稱異迹云 又縣南近山二一曰鼇頭山距

縣三里三峯秀拔學宮嚮之平地突起與逍遙巖拱峙 國朝楊大章有詩 爲南郭外南林寺後之太和山山下臨水望

仙橋側有雪磯樂雷發釣遊於此因以自號者也 國朝邑人

樂大觀有詩 縣西之近山則三里有蔣山狀如帽五里有鳳山虎山皆以形似名諸水西會於此相近有仙人嶺狀似仙人隱几又有豬鼻嶺小路盤斜又西十里爲橫嶺一名黃嶺與虎山相對下臨水湍湍石稜峭南北河總匯其下而出形家謂邑

躬恥齊文鈔

卷十六

地志

十一 越峴山館采

冷水口云又西五里曰梧溪嶺梧水出焉路通道州 又縣西

十五里有鼓嶺山陡險特甚 又縣西迤北三十里爲寶蓋山

於羣岫間特立如蓋雪後望之最佳上有沈香井又十里瀨江爲木華山一統志與寶蓋相對者曰筆架山形聳矗如架筆高冠

縣西諸山 西北之大山曰西山其距縣五十里連峰橫亘仁

澤水出焉 其南 里江岸皆白石有石如牛形屹立江干

其地以白牛石名 又南 里爲嬖娑巖陡絕人迹罕到昔有漁人從水底潛入焉 又西 里有仙桃巖高曠深迥然

炬而入前後左右皆可旁達相傳歐陽國輝遇神女弈棋處有

宋人題刻焉其下出水爲茶溪邨曰樟木洞亦曰西崗云 西

山又有熊嶺縣志仁水嶺之西出水爲沮江其上有富川巖高

數仞水流其下旁有小路螺旋而入石竇中鐘乳叩之似鼓似

金萬竅皆應 茶溪以西北 羣山之閒統稱西嶺與嶺相

近爲坦巖亦作琰土俗其距縣六十里山外如壺口入六七尺

忽束如壺頸內復寬如壺腹坦平敞豁可見天光有石髓如垂

旒光耀奪目其邨曰羅壩又近西嶺者有朝陽巖空洞軒豁日

出照之其邨名下馬石 又縣西北 里有上董洲洲間有

巖曰獅子巖巖上有臺可眺遠巖口洞風雷等神祈甚應董洲

又有七仙嶺明樂池墓在焉 又縣西北 十里平田村後五

里許有九龍巖羣巒環峙中有小石岡壁上結雲霞狀由洞門

循級而下十餘丈地平如砥可容二百人石隆起蜿蜒若龍者

九高二三寸背皺如鱗頭角宛然人爲神龕覆之又數石如覆

盂螺旋而上頂含白石照以炬有光號 珠右有深坎投以石

丁丁然良久乃至底坎內有石盆水常瀆溢石道寬不踰掌高

及肩壁石突出若釘者五禱雨者以手握之曳踵而入卽盆挹

水倒行乃出非捷者不敢至左右石壁有若傘劍若瓶蓋若

躬聽齋文鈔 卷十六 地志 主 越峴山館采

鐘磬若花木鳥獸皆絕肖相傳洞內漸遠漸狹達新田境窅罕

深入者 國朝睦日來有詩 平田邨前小山砦之北石崖曰

隱仙坡有古題刻 又縣西北八十里石梯嶺石磴峻上北

境之關阨也山徑古松夾道清風颯然令人意遠石梯之上爲

侯坪有光武龍飛廟春陵侯祠春陵之墟也柏家邨及興時塘

兩侯之墓在焉間之士人云昔有光武像自春水中浮出奉之

巖中則與故城相近之知止巖也近石梯有一洞甚寬水伏流

經其右麓巖竇高五尺曰青龍巖泉深莫測灌田數十頃入於

春溪時或止注巖前無餘流一二日泉復湧出若春漲時泉屢

滿是年必旱 石梯以南縣北五十里有白雲山山勢彙延一

峯矗立高出雲表厯石磴數百級曲徑盤斜而上南望九疑諸

峯朗然如在眉睫下有明月庵地勢高寒雖盛夏如隆冬雲霧

蒼鬱迴絕塵境 距白雲山 里爲雙溪雙溪者春水兩流之

所匯卽都溪也其間孔道爲蓮橋橋以西爲蓮灣卽禮士灣也
近橋有香花山山側有巖明豁空亭出泉清瀾俗名遐躡嘉慶
己卯宜章李延芳屬其鄉李氏辟治道光初宗績辰往遊更名
天根巖題詩於石蓮灣之西傍崖爲礪曰西礪上爲李氏漁莊
蓮灣楓林甚繁茂邨有萬楓講社又有字塚在高岡李孝子開
禪庵字燼數十年所成塚也宗績辰作銘 又縣西北里

白虎營古砦也上有鳴鼓巖雨久則夜聞鼓聲由巖出繞田閒
久之晴久亦然相傳中有異物禱雨輒應 又甯遠與零陵接

壤嶮然扼隘者亦曰響鼓嶺其距縣九十里

縣山川志作一百二十里

以人

行其上石響如鼓得名

又一統志云縣西北百里壘石高險

有水瀑流而下曰白水嶺上有營小路通零陵縣嘗過之聞濤

聲奔湧詢知爲白水陂所發源按其山已析隸新田 又北境

有鳳梧山有石如鳳雨餘望之五彩爛然其距縣八十里相近

躬恥齋文鈔

卷十六

地志

三 越峴山館采

上羅盤小源徑側山石突出尙異獸頭角足尾盡具如麟如虜
行者憚之稱怪巖後被雷擊碎有八里之泗水巖其山連互里
許水自巖北入從巖南出又北二里爲裂石巖石險劈如裂由
是西北十五里爲桐岡又有白神岡金家岡故在西北而縣志
仙釋門明何至人傳有神鼎潭潭上有咒雨巖又祥異門載神
鼎大容數十石在潭中漁人每觸鼎耳蓋鑄以鎮水怪者是皆
舊志所略也若夫縣志古蹟門所列之珠卓引拾遺記舜葬蒼
梧有雀銜珠成阜又謂蒼梧間山人采藥得石如珠證以方週
之歌所云珠塵圓潔輕且明有道服之得長生者以實其邱所
在更於外志爲方週列傳是皆謬悠之說不可得而詰者已

甯遠之水其在縣東者惟三十里唐家山有井潮汐出水曰潮

水遇旱更溢爲一方灌溉之利是見省郡志而縣志不書蓋縣

志詳於三方而略於東也按其邨落之記東有螃蟬江今探其

源出於嵐山其距縣里又南有楊柳塘及相近二十四里

之高陂二十四里之下陂闕略非一至諸源中有所謂叙江卯

江雷江皆載在東鄉者其距縣近遠水源所自出未能驟詳也

縣南為眾水所自出其受眾流而源最大名最著者曰營水

其次曰冷水曰都溪水營水者今瀟水之經流也或以朱明峯

之瀟水當之瀟水見曾鉅縣志按方輿勝覽錢邦芑瀟水考皆作瀟水或以舜源峯之瀑水

當之蓋瀟水他書亦稱瀟水瀑水即冷水而一統志方輿勝覽

皆云冷水今謂之瀟水遂混三源為一而經流轉晦矣惟蔣本

厚山水志定其源出九疑山三分石是在縣南一百里與水經

注出營陽冷道縣南者合三分石為九疑東上絕頂水從西北

行與水經注流山西逕九疑山下者合曾鉅瀟水考宗之蓋三

峯正中一派倚峯直下入地伏流俗稱父江源者實營水經流

之泛觴向北蜿蜒數十里至三合山水始涌出按一統志有云父江源出三分

躬恥齋文鈔

卷十六 地志

古 越峴山館菜

石即瀟水也西北流與子母二江合是為舜溪與曾氏合北過南海沖又西北逕五臣峯下

至魯觀池水巢水入焉池水出娥皇峯曰母江巢水出石樓峯

日子江父母子三水匯合澄泓渟滄號為舜溪一統志以舜溪即巽江微誤

又北至龍巖西合灣江水是為灣江源源出山在縣西南

三十里水又東北至大陽洞之大陽溪西合桂嶺所出之桂水

一統志桂水北流至大陽溪與瀟水合又北徑梅村嶺東合梅嶺水一統志作梅水西流至黃

合瀟下又北徑永樂山東合永水一統志永水東南流入巽江又北至江口

冷水注之江口在西南仁水又出小江口會之仁水僻在西境不見

子酈注其源之廣則固營冷都谿之亞也營水既合冷水仁水

乃北底道州之青口又東北會于滄為三江口道州江華永明

諸水咸合以入于龍即酈注之營陽峽也 國朝邑令徐旭旦

有瀟水賦冷水一名冷道水一統志南出九疑山注舜源峯

九疑在縣南六十里明統志舊唐書地理志峯左有二泉深

圖記

碧而甘美蓋其一冷水源一瀑水源也圖記謂瀑水卽冷水以

同出舜源不能辨也故又曰舜源水明史地理志明統志皆作舜源水○一統志云舜源

之瀑水謂伏流至萑蒲澗流逕太平路亭又東北至灌溪灌溪者

仙政鄉由邨水縣志作油邨誤黃華源水朱砂源水淹口水灌而成溪

亦曰仙政水也一統志云仙政水源出舜壇側今探之由邨水

出大源山黃華源水出黃華山朱砂源水出桂瀑山淹口水出

淹口山舊省志謂僅有二源亦誤也水又東北徑簫韶峯下湓

水注之一統志謂湓水北流與巢瀑合流徑縣南今按瀑之合

巢在徑縣以後此處但合瀑者惟湓水也合湓以後又東北過

古冷道縣水經注所謂冷水南出九疑山北流徑其縣西南縣

指冷谿以卽名王莽之冷陵縣是也又東北逕冷水鋪又西逕

今縣城南按冷水鋪在縣東二十五里瀟水考作又以在縣治

巽方俗名巽江舊省志巽江在縣東南合舜溪上游會巢瀑諸水序次稍舛當云合湓瀑諸水在舜溪之上游

躬恥齋文鈔

卷十六

地志

五 越峴山館菜

由是西注于巢池瀟承也又西北至兩河口都谿水注之水經注所謂都谿

水出春陵縣北南經其縣西又西北流徑冷道縣北與冷水合

者確然可證也由是北至江口以合營水同會于淹稱三江焉

明史地理志舜源水與都谿水出縣北春陵山水經注所謂春

陵縣北二十里仰山也距今縣九十里其水亦名春谿輿地廣記方輿

勝一曰春陵水震字記補闕春陵縣蓋因春谿得名水經谿流分四

支其二出山之陰北流徑今新田縣境一入桂陽州藍山爲古

春水一入祁陽縣白水爲白水陂其二出山之陽爲東鄉春水

西鄉春水西春水自磴子坳流出亦稱椒源水南流徑石梯嶺

至清水橋縣北六十五里有市納雙蕩甘蔗源諸水上羅盤邨桐木潔溪

白白虎營同注于橋下又南徑平田邨至神山西山

由大壩口西來注之又南徑柏家邨俗名柏家坪地當故春陵縣之

墟水經注謂徑其縣西卽指此也又南流至禮士灣之蓮橋而

會于東春東春水自新田界分水嶺出西南流徑石家洞郡志

石家嶺其黃江源水黃江卽零陵黃神山之黃溪距縣百里其地零甯之交亦審民所居自東來注之

披零陵志黃溪古大真川自福田洞出合白水流入祁陽似所

合者爲春陵山陰之第二支水此云黃江南注者殆黃江兩潭

分流也又南流徑楊家坪省志楊家坪在縣北七里宜五

在下穀居民利之按其地距縣十里卽

中心江當卽符江符山口有巫江西當卽義水至桐木塘合爲砥江縣志作限西來注

之又有椰又南流徑浪石橋橋之下有椰鯉溪諸水注之徑洪壩至蓮

花橋何仁鄉縣志卽落腰江水門作腰岡東來注之又西流至禮

士灣螺螄潭合西春之水水經注謂南徑新縣東春陵都谿新縣縣東旁

都谿傍谿水又徑縣南左與五溪俱會縣有五山山各一谿

五水會於谿門初學記引此作縣門按其地當故縣南義亦通故曰都谿者蓋在今兩

春水會合之處五谿不能實其地按他水注于西春者一注于

東春者四五谿之會或指此也由禮士灣而南流二十餘里廣

躬恥齋文鈔

卷十六 地志

其 越峴山館棗

濟鄉馮石水出馮石山在自馬龍橋來注之又南流逕新車邨

又西徑至四都仁澤鄉秀水注之至董洲兩河口與今縣東南

巽江合乃西北同會於瀟以入瀧水經注所云又西北流逕冷

道縣北與冷水合冷水北流注於都谿水又西北入於營水谿

水又北流注於營陽峽者是也 仁水在縣西北五十里源出

西山一統熊嶺其水分三支一出嶺北爲麕江水出道州由小帶至

麕口會於營水縣志作會一出嶺西爲砥江一名其出嶺東入

仁澤鄉者則曰仁水也清流如帶由西山洞口徑老鼠坳潑洞

曲折循山而南重崖絕壁臨瞰其際至鳳仙橋距縣五十五丈

源水至嶺頭東來注之又南至馬鹿口桐源水一作挾蘆水

東來注之又西至石柱壩一作砥江北來注之又南至白牛

石數里皆石崖又南至嬰娑巖巖險不可上惟從水底可潛入

西折至樟木洞茶溪水注之其上爲仙桃巖又流經西嶺羣山

東水勢若壺口出口漢洞澎湃溪流漸廣但有巨石橫梗舟不能至又行十餘里西北至小江口乃會於營水 九疑所稱九

水元和志云七則歸流嶺北二則馘注廣南九疑圖記云四水南流注於南海五水北注合為洞庭二說歧異今按瀟即縣志之蒲水

池瀑巢濬之顯見北流者其水凡五與圖記差合若桂林峯之泆水石城峯之泆水明史地理志泆水出九疑之石城娥皇二峯女英峯之泆水諸

書明著南流彼時江華隸臨賀已在廣南之域惟祀林峯之泆水雖與江華泆水同名但彼出其縣東南而此在東北郡縣舊

志謂泆水東流徑藍山縣出桂陽州似即藍山縣之歸水所謂出九疑峯者是四水之中其一東流而仍北注與圖記迥殊或

當時傳說強合兩泆水為一耳若元和志則似以泆水與前五水入湘并泆水之南流而復北注者為北七水而泆泆二水屬

之南派理亦可通然馘注廣南究當屬三分石之東西二支流躬恥齋文鈔

卷十六 地志

七 越峴山館棐

九水與中峯經流實為十水十水中南流者七其數與元和志同東流北注者一南流北注者二則元和志所未及蓋昔人為

九峯九谿所囿致多齟齬一為拓而析之古今地理其脈絡之大者未嘗不可合也按王煦等新省志桂陽州圖石城峯下有泆水出在藍山界內似泆水非出於桂林

峯者要之峯名水名本多傳異未易執成說以定也又古水而今佚其名者深水是也水經曰深水出桂陽盧聚按匯水出盧聚注地在桂陽縣西北上驛山盧籛本經注云桂陽者縣也

本隸桂陽郡後割屬西水經曰深水出桂陽盧聚又西北過零陵營道縣南今甯遠又西北過營浦縣南今道又西北過泉陵縣西北七里今零陵至燕室邨一作邪

入於湘酈氏注引呂忱云深水一名邃水導源盧谿西入營水亂流營波同注湘津許慎云深水出桂陽南平縣又謂盧聚山

在南平縣之南九疑山之東諸志皆未有論及者按南平為今藍山九疑以東連藍山境藍山有舜水舜深音相似考其水皆

東北流此或舜水之別派也今確探藍山有水西流入境之處

溪之見於省志而郡縣皆佚者曰鳳溪是在縣西十五里又縣西十二里有洪溪而聞士人所稱者曰龍溪是在縣西北六十里平田邨源出天元山邨平如砥當四山之奧溪水環焉歐陽氏世居之多爲水亭草閣風景絕勝其水流至神山山下入於春水又有韓溪亦曰韓潭在蓮灣之東南其水流至普壩入於春水土人奉韓江神以此又縣東北里有古溪其水出竹子峯流徑蕩頭岩入腰江水又縣南有羊澗溉田甚溥是與青澗蒲澗俱出九疑者殆以羊仙得名云又縣西仁澤鄉有竹澗可溉田流歸蕩之見於一統志者有縣北五里之大塘蕩在大富山下九井同流上湧灌田四百餘頃相近有山陂蕩其泉湧出分左右流灌東西二洞之田又縣北馮石邨有大力塘明景泰七年居民黃祖成所力濬一方受其利歿而祭於里社焉又縣南三十里丹桂鄉有躬恥齋文鈔

卷十六 地志

文 越峴山館莪

魚塘寬數百畝明邑令蔡光度所濬灌民田六百餘畝畜魚輸稅供書院生徒肄業之費稱善舉焉又縣西北隅八里有蛟龍潭下有蛟龍壩又縣南里有白蓮塘縣北隅五里有

荷葉塘又縣南有樊塘舊省志又言縣東中和鄉有雉母陂又縣西南有虹橋陂縣志皆佚舊郡志謂縣舊有陂一百八

十八今多爲豪右侵沒云其地以源稱者若大源小源以外有丹桂大陽二鄉間之桂澗源卽桂水也澗者水所聚永州邨

徑多以呼溪澗也相近有苦茶源入冷水又縣西北有白鶴源同入於冷水縣西有杏源又有金竹

源亦入冷水竹源曲源直源源仁澤鄉有羅勃源殆卽蘿蔔源至四都人溪水在兩河井則九疑舜井以外有若縣西仁

澤鄉之羸羸井俗呼在大田井首志又縣北有橘塘非西北平原有磐石井

有大田井首志又縣北有橘塘非西北平原有磐石井

井并底磐石如砥有數孔泉從孔出歲發黃漲三四次莫測自來傳有神物在其中也 山之逸者霧雲山之東 有山曰大疑焉其去九疑 十里論其形勝不足當九疑之一麓道光丁亥邑人李家麒遊息此山更名之曰少疑山山上有奇巖舊稱八仙巖今仍之家麒皆創爲之詩以紀其勝因補載之 又九疑以北四十里有鷹咀崖石立如鷹狀是近白草坪

右甯遠縣四境凡爲大山一小山五十爲嶺三十有一爲巖三十有七爲洞十五其繫於山者十繫於田者五爲峯十有七爲谷二爲峽二爲坡一爲坳二爲窩一爲硯二爲岡七爲山灣二爲水灣一爲石壇一爲石門一爲石臺一別石之著異者三磯二砦二塚一爲大水四爲古今異名之支水一謂山之深水今 又支水十有五水以江名者十有一爲源十七稱上蘆水 爲湖一爲沖一爲溪十二爲澗四爲潭一爲蕩四爲池二爲躬恥齋支鈔

卷十六 地志

九 越峴山館菜

溝二爲井八陂之附見者五塘之附見者六水之注粵者二水之注江華者三

異者二... 古今異名之支水... 謂... 蓋... 山... 嶺... 巖... 峯... 谷... 峽... 坡... 坳... 窩... 硯... 岡... 山灣... 水灣... 石壇... 石門... 石臺... 別石... 磯... 砦... 塚... 大水... 源... 山... 支水... 湖... 沖... 溪... 澗... 潭... 蕩... 池... 井... 陂... 塘... 水... 注... 江... 華... 者... 三

永明縣名勝志

永明環邑皆山縣東最近者一里惟水雲巖為勝峯巒聳拔映帶雲霞北面瀟江拖警諸水俗以瀟稱清流可挹舊志國朝周鶴金雲沛

邑人陳應綸王纘有詩其南一里為栖霞洞曲折深窈一名虎子巖一統志熟游者始得洞門執炬乃達中有清泉焉周鶴有詩

相近有望高山在縣東南一里省志誤作望亭山勢高峻有石如階級便於登眺一統志其陰有水雲亭明邑人周鵬所築縣東五里有限山

一名礧山又名龍頭山山自都麗嶺分支三十里過縣治後東南隔瀟水若城墉之限故名往時路沿山下歲久陷于江霖潦

驟溢則濟以舟或致覆溺宋紹興中邑簿牛某鑿山通道人以為便乃建廟祀之名其路曰牛公嶺參一統志舊志明廣西竊寇犯縣

境鎮守李某討賊於此成化某年鎮騎將軍謝雄指揮僉事蕭愷立石紀切更名得勝嶺甘慶增纂志稿其下為玉田砦水竹扶疎

躬恥齋文鈔

卷十一

地志

三 越峴山館棗

江濤清遠稱幽勝焉又縣東南五里有獨石山與龍陽山馬

山相對舊傳有仙人虛空跨立兩山間今俱有巨跡焉又縣東七里

有仙兔石上有題刻馬山在縣東南十里名杏花邨前林木翁蔚溪水環繞其形如馬縣志作杏菊邨宋周燮有題天馬山

詩又南二里為蠟燭山一名重疊嶺又名總子嶺興化水出此志一統志龍陽山見於縣圖下有龍陽社其距縣亦十里近杏花邨之北焉

又興化鄉距縣一里有銅嶺一作峯岫聳秀時有丹霞白雲搖曳其上嶺巔有井清泉湛然久雨不溢大旱不

枯相傳張道陵所鑿興化鄉馬河之上有壁山登之一望無際在縣東南十里其邨又有老人峯山容皴削竹木蒼鬱山麓

有撞鐘巖寬敞可容百人又有消暑巖皆明季避寇處也又東南有黃甲嶺距縣二十里本名寒柏町青石蒼崖松篁夾道一統志有歐陽氏居其旁世登甲科故改名其上設營守之下為

嘉祿觀一作嘉樂制作渾成鈎鬪無迹相傳神工所爲天啟元年一

夕復聞斧鑿聲連旦則葺治一新矣 又縣東十五里有周鵬

別業曰蘭谷爲亭其上見明歐陽光詩縣東南 **甲棠景邨**

有古楓木結癭甚巨窪處承露水味極甘馨飲之可以已疾稱

救疫楓焉 又縣東區在六里有蛇嶺嶺上時有光氣舊產

鐵置坑以採礦不足當鑪備費乃止蔣雲寬承明志稿 又縣東南三十

里有楓山上多楓木舊有樹山若其邨社因名南楓西櫟云見地

圖西櫟邨有望高營也 縣之得名以永明嶺卽古都麗嶺五

嶺之第三嶺也 本南康記通典 土人謂山之絕頂曰都逢語譌曰都

麗也 參方輿勝覽近游雜綴 按水經注以桂陽部龍山當之一說謂在九

真地理今釋從通典斷以屬永明爲是 今一統志疑嶺在縣東迤

北五十里北連掩山西連荆峽 縣志作北按月巖又列月巖於志注云在都麗嶺之左周鶴志

已闕其謬今從明統志 縣亘百里達於廣右極地勢之險峻一統志云其

躬恥齋文鈔 **卷十六** 地志 三 越峴山館采

南五里有回山石壁陡絕縣志所佚按縣圖東北文德鄉有雷

洞雷古文爲回當卽是山也明邑人徐鏘有都麗吟縣志載唐

龍朔中邑人何志純栖遯永明嶺絕頂遺廬羊牀拭劍石於石

室中又有石池云 考郡圖縣北有穿巖若縣志距城六里蓋

若間有洞形亦圓透如道州之月巖故後人率附爲一也穿巖

以東郡圖有洪尚縣志東北有雄洞而圖有沈洞疑本一洞而

傳異其名者 又縣東北一里有犀牛洞洞壑虛窈有潭澄潔

香冽樵豎或以穢物投水輒怒涌潮起數尺穢盡乃止 一統相志

傳有犀牛在潭底洞中陰風時起若數百鐵騎馳枚而馳迅突

不可當云 又縣東南四十五里有矮嶺相近有香山接瓌廣

西富川皆有營戍 又縣東北十五里有錦岡又東北數里曰

上岡有墟市又東北二十里有枇杷山下有枇杷所古要戍也

縣南之近山則二里外之麒麟巖空洞中巖乳結成磨身牛

尾天然如鱗身被苔蘚狀益肖萬厯中邑人周汝愛如翦闢榛莽因其石乳之凝白若大士像者修飾奉之麟通蹲伏其前如龍象乾隆閒士人更鐫刻爲頭角失之鑿矣明楊方亭蒲秉權張景皇國朝陳樹華陳圭有詩又縣南二里許有挂勝山

又南八里有聖人山清石潭成如削卓然一峯視眾峯獨高一統志宋將軍吳舜舉墓在其下明教諭劉贊有勉學子詩又縣

南二十里有神光遇廖山昔有盧姓者居此夜嘗見野外有光默識其處翌日往觀遇一叟自稱廖山人指示葬地忽不見故

名一統志相近有桂樹凹兩崖嶄峭擘分若太華怪石礫磊清泉

湛注道旁叢篁灌木陰森蒼蔚爽然常秋寒蟬鳴禽鳴聲相和游詠其間可澹世慮本縣志稿又有石鼓洞在凹山之麓俗呼古

佛洞洞中有石如釋氏所繪文殊狀及石鼓石魚之類甚詭異

又縣南三十里有長標嶺蔣雲寬作長標背枕富川唐李靖討蕭銑

躬恥齋文鈔卷十六地志三越峴山館采

駐師於此後人立廟山巔有井深碧相傳有龍居焉禱雨神應

其縣西南則一里許有趙家山邑人士重九日多登此萬厯

閒建刹其上曰太平寺上有閣明蒲輪題壁詩云崑迥先參離

樹月徑紆慣賺別汀雲可以得是山之景趣矣又三里有層

嶺北接層山嶺明則晴嶺晦則雨農家常以爲驗里諺有云層

嶺色舒晒殺好層嶺氣噓淋殺魚見周鶴層山在嶺北山勢層

疊而上其陰有層巖洞穴空廣高十數丈廣數百步有澗自巖

中出橫紆如帶四時不竭有石龍石筍及鐘乳結成神怪獅猊

之象稍入漸黯秉燭可遊宋以前多怪異自熙甯中張綬留題

始怪絕而巖顯舊傳何仲涓世居巖下後辟穀化去宋徐一鳴

有記練潛夫逢慤瑞趙師俠元陸厚仁李棟明劉魁彭澄胥從

化許瑞麟邑人周鵬周淑蒲秉權徐日省蒲輪國朝譚惟一

金雲沛有詩層嶺之麓又有花山山形如花故名唐詩譚氏

一女入山採藥蛻化土人卽山巔爲祠山多碧石石隙透一小徑天然梯級竹樹翳蔽雲霧蔚蔚每歲五月閒士女多賽祠焉近游又縣西南十里有小田源是有篋竹山上爲篋竹廟後有鎮猴石相傳青猴作塚山神驅石鎮之縣西南十五里

有焦源嶺以其橫亘亦名橫嶺水自嶺東出者注瀟江入湖自嶺西出者注桃川一統志入粵甚士人常夜見山麓有天燈環列

上有金龍廟云舊志誤謂舜陵梧溪經其下蓋以道甯間之橫嶺混爲一山彼東此西西爲上游勢難強合也橫嶺之東爲允山卽名其鄉是有白面墟又西南十里有昂山上有寨又

縣西南三十里有牛礮山上有營其北爲謝沐故墟又縣西南四十里有桃川所城其南三里有名棋盤巖寬六七尺高約三四尺巖頂深刻擬盤二大字中有水石一枚而底平淨寬可

三尺許上鐫楸枰相傳有仙人對弈於此在枇杷山之北本蔣雲寬躬恥齋文鈔 卷十六 地志 三 越峴山館采

小相近有父山明時有營又縣西南十里甘棠邨有雷劈石宋陽道人役雷擊怪處又縣西南五十里綠碧町有巖寬朗形若半月稱半月巖相近有雄山峯岨奇特下有清泉澄潔

洞山之側有石佛巖五代楚王馬某妃周氏焚修處山麓有寺嘉靖中山農掘其地得其遺物又數里爲茶磊山上有營其南有遊岡遊水出焉又縣西南六十里有荆子嶠山舊志作嶠山今從諸

志 接廣西恭城縣界羣山連亘如城其斷處若關鎮一統志南中 有警守此可以遏衝突方輿紀要相連爲荆峽鎮山或稱荆鎮峽疑轉音爲荆子嶠一統志云去荆子嶠十里其實蓋一山縣延而

異名也地當入粵咽喉兩山對峙若壁壘中爲要路險隘可據稱鎮峽關漢地理志蒼梧郡謝沐縣有關卽此宋時設官戍守明時以永州衛官屯戍焉明季永國公曹志建據守更名龍虎

關峽中一小江泄桃川及扶靈源之水西流達廣西之平樂平

樂古昭州也故關以內有橋宋范祖禹流貶昭賀時過此名學士橋云 國朝會稽宗績辰有鎮峽關詩峽以東爲笛樓邨宋周堯卿故里也相傳周子曾信宿其家宗績辰有詩邨畔里詩有紫微岡堯卿墓在焉 近鎮峽有扶靈山扶靈猶居其下山

側有凍巖中有風洞天久雨聞洞中風聲則晴久晴聞風聲則雨本兩聲書屋詩注 又縣西南有青山其去縣三十里山最高處曰天

門巖竹木蒼蔚四時常青故名一統志言上有砦 縣西五里

有白塔山高五十餘丈周二里東西北三面皆水由南墜江唐

武德中遷縣于此宋熙甯中廢爲鎮一統志 山上有唐時塔崇勝

寺在其麓下有池極深廣中植紅蓮池上有亭多前人題刻又

有將軍壇神極靈異乾隆間邑人楊氏毀其壇以葬親一家皆

死居民懼之山北爲媳婦山崖石壁立有黃石如龕附半崖人

不能上 又縣西八里爲小磴山山平如一字一統志 環石若鬼

躬恥齋文鈔 卷十六 地志 云 越峴山館菜

斧登砌上有丹竈棋枰下有龜石異跡宋時龜爲孽何仲涓以

劍劈之刃痕尙存 國朝周鶴有詩山側有回山寺宋宣和七

年甘露屢降松竹上邑人何彪隱此磨崖記之 又縣西十五

里有肖傳巖明蒲秉權家居常結廬於此人以名之又西五里

有夏會山夏會二氏世居其下爲夏會墟山上有宋邑令魏沐

德政碑前有讀書巖相傳口時夏 會 讀書處洞中有

授經堂遺迹今不可攷矣 又縣西五十里有馬陵山舊巡檢

寨在焉一統志 又按縣圖縣西五十里有廖家岡 縣城西北一

里有濯纓巖一統志作 窈窕靈異俗呼羊角巖下有清泉從暗

竇流出噌吰有聲味極甘冽蔣雲安有疏濯纓泉紀事詩西北

三里有同巖一統志作縣北舊志作縣南誤 以水石之奇同層巖故名洞口石

門有泉涌出澄泓數畝其中空曠可容數千人有明有晦晦者

需炬而行中虛外固前堂後寢外內有辨邑人常保聚于此統

志明周子恭有記 回巖之右爲讀易巖明周鶴讀易其中故

名相近爲雀山山形似雀屹立水口嶄然若捍門華表山下溪水作紺碧色雀山寫影如臨鏡然遊縣西北九里爲白鷺山

其形肖鷺左闢靈巖右有飛瀑陳隋閒蜀僧洪衍翔草莽其上題刻尙存明萬曆十六年復建寺焉 國朝周鶴徐旭旦有詩

又按縣圖西北十五里有斗岡上有營 又北爲古澤源山古澤水出焉 又縣西北四十里有大鳳山縣志水月庵在縣西二十五里大鳳

山蓋山勢袁峯岫軒翥下出大溪亦名瀟源 又縣西北東清延有遠近耳源其距縣二十五里有倒山塢危峯陡立下臨清溪蓋東水所

徑流也塢下二里爲宋御史周渭祠俗稱周王塢以前爲梅溪嶺產甘梅下爲梅溪又有觀音壩樹杉懸泉俗稱水簾後洞又西口

口里地接粵境爲凍水發源處舊志凍水注云凍水出火焰山殆卽其地也明邑人陳毓新有遊凍清源記 又西北二十餘

躬恥齋文鈔 卷十六 地志 五 越峴山館聚

里大源口卽大古源也星嶂煙縹縹天際爲大古山大古水出其下山之後爲木倉山石門嶺在其左天門山在其右前則

象鼻嶺也明周鵬後人世居是邨稱門樓莊云 又縣西北邊境有阜陵烏陵皆獠人所居其南爲石礫山舊有營 縣城之

北半里許有亭山以其雙峯高聳又名鳳翼山一統志明戴九階更名雙鳳山峻級清崖可供登眺邑之佳勝斯爲最近山麓有

青蓮庵明周淑蒲秉權 國朝周鶴金雲沛徐旭旦邑人王繼有詩縣北十五里有大掩山一統志俗名烏頸山是在父子山

之西掩水出焉下爲大掩源獠民所居又北五里相望者爲小掩山在父子山之東俗稱眼睛山 父子山在縣北二十里舊志

作西北或三峯高下聯峙如尊卑之列故名一統志俗稱三峯嶺正當大小掩之中也自明以來以三峯雪色爲勝觀明莆田顧

叔梁徐旭旦有詩 又蔣雲寬近游雜綴有紅茶壩碧幘嶺嘉

慶十年土人於此掘得古銅鐘詳金石畧其地在今縣

廿

又有日曬巖土人禱婚之處是在縣西北十五里又有將軍嶺是在縣

距城二十五里是為羊頭源瀏水之所出也 又按水經注平

水出謝沐縣南歷山西北流歷山蓋山名猶甯遠之仰山也今

志無此山約度其地在今縣南 永明之水惟沐水名最古古

謝沐縣因之得名即平樂谿之平水也出謝沐鄉東南 里

山西北流徑桃川所合遼水扶靈水又西徑荆峽鎮山又西

南入廣西平樂府恭城縣界水經注所謂西北流徑謝沐縣西

南又西南流至平樂縣東南左會謝沐眾谿派流湊合者是也

扶靈水者即水經注所謂靈谿也源出扶靈山古之符靈岡也

山接壤富川恭城之間徭人所居一統志謝源出恭城徭北流入縣界東

合遼水北注桃川會東江膏澤水以入沐水一統志云北遼水

躬恥齋文鈔 卷十六 地志 美 越峴山館棗

按酈注本云源出此山蓋沿縣 遼水與東江膏澤即謝沐眾

谿也明史地理志誤謂遼水自富川流入下流注於瀟水今按

其源出富川縣之木馬山西北流入縣界徑遼頭岡鎮西合扶

靈水又北徑桃川所西合沐水一統志與諸志皆合別無東流

入瀟之派史志殆譌沐為瀟也東江水出縣西南 十里

鄉之 山以其在扶靈遼岡之東故以東名北流入於沐水

舊志 膏澤水出膏澤源徭峴 山在縣西北 十里南流入

沐水 縣北都龐嶺迤西大鳳山之前門岩接壤廣西瀘

陽縣界其上崇岡逕嶠水奔湍而下古名瀟源水亦稱瀟江其

上青杉夾崖刺天隱景三十里乃至大古山合大古澤水又左

流數里小古源水合焉如枝附幹形勢灣環十人名之為鯉魚

尾自此而帶約眾流匯于將軍山下則大源口矣東流五里徑

瀏水注之又二里東水注之又十五里逕白塔山下掩

水北來注之警水西南來注之合流三里過縣城南又折而東至桐口達於道州合營水 國朝邑人蔣雲寬有永明瀟水考

力翻成說意在爭瀟水發源之地抑出九疑者爲支流謂不足當江華永明二水之大其論新奇然營水本聚水之名古人惟

見四出之水各有源流從其聚而命之凡入於營水者皆可推稱營水今旣更營曰瀟則亦可共稱瀟水至孰爲經流則未可

遽定也姑錄之以俟知者明顧龍 國朝儲芷一統志載永明諸水以掩水爲經聚水爲緯水出縣西北大掩小掩二山山有

石掩穴口因名穴中水蔭田數千頃南流徑白塔山東麓合警水以會瀟源之水東徑縣門又東合瀑帶水又東北合興化水

又東徑桐口入道州會於漚 警水出縣西南青山 方輿紀要距城二十里 舊志屬十二都初名清水潭唐天寶初改名警潭東北流徑白

塔山南合掩水 志 大古小古二源之水統曰古澤水自西躬恥齋文鈔 卷十六 地志 毛 越峴山館栗

北流徑東南合瀏水凍水入瀟源水又東南合於警水若瀏水則源出縣北羊頭源東注凍水則出縣西北東清源之火燄山

與梅溪東注合瀏水古澤以入瀟源水者也 又北境父子山有瀑布水與掩水合流以入瀟源白鷺山有瀑布水東入掩水


以達瀟源又東北有沅溪源出沅洞又有排溪西入掩水俱見縣圖 南境入瀟源者有小水五見于一統志者三一曰興化

水源出縣東南重疊嶺蔣家山之濯錦溪浮出地面清深可掬忽伏流入嶺者數次自山後廣竅噴出有波濤聲灌田甚溥東

北流入於瀟掩諸水一曰瀑帶水源出縣南神光遇廖山合鏡塘水至居安寺前自高注下長丈餘如曳素練者爲瀑水下注

平地深數丈長里許宛如青羅者爲帶水二水同流異名東北流徑利田橋入於瀟掩諸水一曰橫嶺水源出橫嶺東南流合

瀟瀏古澤之水見於舊志縣圖者三一卽錦塘水是出枇杷山

一爲海會水在縣東南十里其間又有水曰馬河上有社又有塘曰扶塘扶塘有小路通江華又東南十餘里爲朝水邨邨後有靈谷湫水色紺碧深不可測舊傳每震雷時有巨鰻游泳其中以網取之不可得禱雨甚驗其南爲石溪合爲錦江皆入於瀟源達于桐口 其餘井潭小水則縣東門外有同井惟蒲周陳徐蔣管龔張八家共之相近有麗澤泉明處士周樂野構亭居其上人稱知者泉 縣東里許青龍廟前有雲從泉先是五月競渡江大蒸熱人苦暍渴禱于神一夕雷電交作裂地數尺流泉清冷若冰雪焉又縣東南  有碩邁泉叮畦交錯水皆汗濁獨此香芬清冽明蒲秉權闢地爲園亭于此汲泉自適

又縣南回龍菴有擊杵泉明時女冠慧秀杖擊石鏗然有聲開石得泉甘美異常遂流成澗故名又南十里有香花井又邑東三里是老龍潭蔣雲寬云故老相傳神農氏時老龍吉參龍躬恥齋文欽

卷十六 地志

越峴山館棗

於此 又縣東南五里有伏犀塘塘居山麓下有穴與扶塘潛通天雨則扶塘洞出水泛溢而此塘獨涸旱則扶塘洞出龜拆而此塘暴漲若有物吐納然者 近游雜錄 又縣東二十里有夏灣泉水清味甘飲之可以療疾 又蔣雲寬云有寒潭在縣 底鋪

村畔瑩澈泓激毫末不隱儻魚洋洋往來如行琉璃瓶中見人卽逝 又縣治西南半里有甘泉井郭外西南里許太平寺門前有井泉出叢石間極甘列名飲鹿泉井外有池寬畝餘綠淨可鑑池畔斜穿一徑繞出山麓陂陀逶迤而下達於溪岸境地幽曲山頂有平臺可俯眺縣城 又縣西六里有白水井上有

白水社 又縣西門外有丹井俗傳竹溪真人燒煉處遺蹟尙存 又縣東北四十里有崇柏井澄澈甘美供郵落五百餘家汲飲不竭 又枇杷所路旁有鯉魚井又桃川路三十里有冷水井爲富賀要衝明季猺寇實出沒於此與祖山岡皆爲長途

今道州營撥弁兵守之 縣志七鄉有塘二十五今惟見縣圖
西有周塘南有規塘蔭雲寬又云有縣蓮塘其邨爲蓮塘邨
明未有某氏女被永歷詔入宮備貫魚之選永歷亡國遂削髮
爲女冠遁跡以終 又縣志塘堰門有陂五十一今 縣西六
里有土陂十五里有覺陂名見於志云 巖之逸者縣西南六
十里城下村削有仙歸洞相傳仙女歸此故名村人建祠祀之
名仙歸廟芳草鮮美泉石怪異澗水從巖竅流出味甘甚石門
石梯曲折盤繞緣路行數十步危樓當空亦奇境也嘉慶中邑
人蒲學仁與周紹儀始探其勝學仁有詩

右永明四境凡爲大山二古大嶺一羣山四十有六小嶺十
有四爲峯一爲巖十有五爲洞五爲崗三爲岡七爲陵二爲
谷一爲凹一爲砦四爲巽石三爲邨四爲町二爲故墟二爲
古水四爲今水十有三水以江名者二以川名者一以河名
躬恥齋文鈔 卷十六 地志 无 越峴山館采
者一爲礪二爲溪四爲泉二爲井八爲源四爲湫一塘之附
見者五陂之附見者二

江華複嶺重岡地遠而險其山之秀異者自古稱陽華巖唐初設縣於陽華之南介於沱江故名其縣今在縣東南十里回山之下縣城屢遷而西故唐時僅距城六七里山勢嚮陽清迥高明初僅距五里舊志因之今從縣志

朗中有石磬下有寒泉唐元結守道州時作銘屬邑令瞿令問書之刻諸崖石世稱名蹟焉宋程迯李長庚江朝儀桂如虎明

杜漸及韓子祁蔣茂芝 國朝林調鶴鄭鼎勳蔣琛李邦燮皆

有詩縣東一里有牙山西嚮轟然而高通體瓌瓏前臨池水一

名蝦蟇山一統志巖壁中嵌小庵又折而上有岑樓可望蒼梧九

疑山巔古松百株蒼蔚蟠鬱極奇峭之致明以前不甚著萬厯

中全州滕元慶為教諭始見題詠 國朝田山玉蔣琛皆有記

鄭鼎勳滿洲薩迎阿如臯朱琦有詩 又城東一里別有牙巖

一山特起形肖角端前未始顯至 國朝理徭郡丞李邦燮始

躬耽齋文鈔 卷十六 地志 三 越峴山館采

得之謂視蝦蟇巖為勝辨前人以蟾為牙之誤今並載之而以

此為牙巖以別於牙山云蔣志高有詩按王璋所繪縣圖縣東

隔江四里為小樸坪稍北為大樸岡又東十五里有南嶺下有

邨其北一里為馬鹿洞其東南 里有釜蓋嶺以形似名

又圖載縣東十五里有蓬田山明時設鎮遠營戍守又東為白

花營 又縣東池南廿五里為霞江峒又東廿里為豪江峒相

連為靈江峒皆徭人所居豪江以東南又有上梅山下為梅邨

其東六十里為朝陽砦砦之東即錦田所城錦田城之東距九

疑南注之水俗稱后河其東為黃竹邨稍南為瓦窰岡茅栗砦

又東有元石洞是皆后河過山諸徭所聚處之地其南距連山

之宜遷水兩水相距一百里錦田城之南宜遷水之西有石龍

山下有邨又西南 里為香山坪其東 里為牛尾嶺上有

砦嶺之西為李蕩坪設汛屯守又綿田南有佳岐嶺下有桂陂

沖又南爲鳥陂縣志作牛陂又錦田南有大錫小錫二邨是近大步

源以水經注按之當即古萌渚嶺之錫方水經注云五嶺第四嶺也其山多錫謂之

方錫是在今縣東南至萌渚嶺當即今縣屬嶺東之西通典謂毗

渚嶺今謂之白芒嶺而未著所在一統志據郡縣志謂在縣西

南又據舊省志謂距城十五里按白芒營尚在六十里外其誤

明矣蓋其山在五嶺之列縣延遼廣出水非一隅支山連岫遠

近難一以今地圖合水經注則萌渚水在馮水右而出古馮乘

縣西宜爲今上五保之春頭源水其山即當爲萌渚之嶠馮水

惟在渚左故左合于渚宜爲今之大步源所出之半逢水逢馮

同音今縣東南之半逢山即古馮乘縣東北之馮岡無疑土俗

相傳以水平流半山合也水經注者方語傳譌也第諸書皆

曰半逢山距城一百六十里今縣東南接界不過百餘里則與

縣東南一百七十里之禾田山皆不能在縣境恐多舛誤俟確

躬恥齋文鈔

卷十六 地志

三 越峴山館棗

揅其源而詳述焉 一統志及諸書皆言縣東南九十里有歌

父山引荆山記馮乘縣有善歌者聲振林木故名爲證按荆山記當是

荆州記之誤按太平寰宇記賀州桂嶺縣有歌山其地後入賀境今

縣南抵賀縣百里此山當在江賀之交也 又縣東南一百里

有金剛巖沿崖三十丈巖口有石卓立如巨人狀一統志國朝

邑令鄭鼎勳有詩半逢水邨之上有上眉下眉二洞其西有鈎

挂嶺是距城七十餘里有峻絕處號百步險 國朝雍正中

鄭鼎勳自此度粵有詩鈎挂嶺之東南爲牛塘坪有汛戍自此

至嶺東山徑峭折有名十三灣者其南有成岡平礫一作諸峇

皆嶺東營分屯要地踰嶺東即開山落入賀縣界矣 縣志南

有鳳凰山舊志城南逾江爲舊縣團縣故墟也循鞍山而南抵蔣

家山距城五里許有峭壁突兀古木盤鬱者暖谷也在寒亭旁

盛寒入谷其氣溫然雖挾糶熾炭不若方輿勝覽寒亭本唐元結瞿

令問所構宋治平中成紀李伯英

舊志本條載伯英爲邑尉國朝邑令李邦燮寒亭遊記

亦同舊官表作邑令誤

始得此大小二洞蔣之奇爲作銘之奇從祖蔣祺

時爲令又紀以詩明邑令蔡光邑人劉元科舒鳳翼皆繼咏焉

由巖腹梯磴而上絕壁千仞上刻元結寒亭記

記刻金石畧

字尙可

讀其西崖舊有空翠亭紹興中董囑所築也

舊縣南二里暖

谷之東有巖舊名奇獸以巖口有伏石狀如狻猊故名今一統

志曰獅子巖宋蔣之奇有奇獸巖銘端平中邑令張叡復銘之

李焯隸書其石明杜漸國朝林調鶴有詩相近有浪石石臺

臨踞池水之上湍激清澈故名有唐代古寺相傳宋邑人蔣承

雄辟穀好道坐石上化去其身不壞見皇慶間李起茶碑記載

石明宣德時有粵寇毀之俄寇自相殘滅靈應益著

新顯紀事明周

子恭蔡光

國朝鄭鼎勳蔣琛皆有詩其北爲三門岩

又縣

南迤西有滄山其山脈從永明黃沙嶺東來盤旋委折迤水

躬賜齋文鈔

卷十六 地志

三 越峴山館棗

在右隨之而行中有三島相連其二稍低其一聳拔特異古名

三華峯土人稱爲上下拖嶺其卽卽名上下拖嶺卽又或曰鳳

嶺云

參一統志縣志

又縣南猴猪卽之西有猴山其東有鈞羅山卽

之南爲大斗嶺嶺之西爲石榴灣池水支流自新砦出者合流

於此卽所謂洞溪也新砦距縣蓋六十里洞溪卽之東南新砦

之北其距縣五十里爲秦巖卽是在吳望山之下九域志所云

江華縣南有吳望山者是也明統志云或謂秦人嘗於此避亂

舊名秦山吳孫權未建號時山忽有聲如雷因開洞穴石有文

采權以爲瑞唐天寶中改名吳望上有秦巖從巖口入用火導

行至深處地忽平坦穴多透明方輿紀要所載略同按太平寰

宇記富川縣北三十里有秦山其高二千餘丈孫權時雷開六

洞南北可數十里水出其中有鼓石石池石壇宋時馮乘廢入

富川其城必徙而北宜與此山相距不遠惟山之高與巖之遠

諸志皆不詳蓋其地深黝遊跡罕至故也相傳石壁秦巖一大字爲漢蔡邕書山中多古梅古桂盛夏常有積雪土人稱千年雪又有石崖向巖窟俗呼犀牛吸月明彭弼薇劉元科 國朝

楊愈焯皆有詩 又縣西南六十里興賢鄉有神仙巖其邨名

神仙洞壁如削成巖口宏敞高數仞中有二孔如日月然懸空

橫架木三人稱仙橋險絕不可登每遇朽時有狂風驟雨更易

新橋人不得見其傍有洞畧低形似困廩中有石田石杵臼及

糠粃狀其最深處每狂風撲面從無人到俗傳宋時邨女劉三

妹幼遇異人父兄命之蒔田嘗坐臥隴間比歸而禾盡插後入

巖化去巖名神仙以此 巖之西有沓岡其東又有南嶺其西

南有羊頭山是近雲川團雲川蓋卽雲溪唐文明中更縣名雲

溪當以此也又東爲太平砦花地灣羊頭山以南爲八八洞相

近有陡岡陡岡以西爲錦岡有巡檢司錦岡司之南有聚海洞

躬恥齋文鈔

卷十六 地志

越峴山館采

洞西有石鼓砦其間三十里之內北爲白芒南爲濤墟東南爲

嶺東皆要戍也 又縣南接壤賀縣邊境有冬冷山山跨兩縣

故去城百二十里以高聳陰寒得名見統志按震宇記臨賀東北

錫山其水清冷又劣山出水三派其一水冷流入錫溪疑卽此

二山之異名也 縣西最近者則一里許之高明巖明蔡光始

磨崖刻詩及 國朝鄭鼎勳蔣琛蔣其廉繼之又縣治西三里

有象山見李邦燮記縣西三里有龍巖上有廟 又縣西五里有白

泉洞出泉甘白遇旱不涸上有嶺 又西北七里小溪之上有

大光巖縣圖作大鑑山下爲大鑑邨又縣西十里有蛇巖巖削

奇秀中有石柱如蓮花亦稱蓮花巖一統志流泉出其下入洞乘

燭行半里石壁始有一綫透光漸見寬坦如精室士人謂蔣大

士曾攝鍊於此其東三里卽浪石也 國朝林調鶴有記 又

縣西二十里有瑞巖上有營鋪又縣西有大帽山下有大帽邨

又縣西三十里有岑山小而峻險見省志 又縣西有桐山

接連承明道州蓋本承明重疊諸嶺發脈第縣志謂距縣三十里不應若是近也 又縣西北

井石路

大帽以南爲羅坪又西爲苦竹山 又縣西南有清

水源山 又縣西南三十里沱水之西岸有烏巖下有邨 又南五里爲木山 又縣西南五十五里有香山上有營營之北三

里龍窩嶺鋪嶺謂葫蘆嶺也 香山以南爲青絲井汛守要地

又南爲楊山山之西爲白竹礮池東爲斜籬壩 又縣西南極

邊之山爲春頭源山沱水經流所出俗呼大尖山南與蒼梧嶺相接邑人所謂梧嶺南屏也楚粵之交山以蒼梧名者不一殆

皆九疑之支山猶甯江桂賀之皆有桂嶺也嶺之下皆平地獠所居分平岡旦久竹子三宿宿者獠人以名其聚落也又平岡

以西八里有上岡上岡以南有歐陽山亦邊汛之所也 縣北

躬恥齋文鈔

卷十六 地志

越峴山館采

則僅有 里之黑洞下有邨相連爲歐家洞過東陽渡東北有偏巖是通道州皆見於王璋縣圖他志俱不著 前權令王

璋訪得縣東南二十里有得仙巖舊志所佚也其山之東南皆危峯峻岫每晨曉煙如匹練峯蜿蜒而來直入巖口陽華峙其

北五水繞其東西南行數百步有天門洞平地忽開一窩門形宛若一天字樣橫直約二丈許中有泉水幽深莫測真奇境也

故老相傳明季邑人陳可獻年二十棄家構廬茲山不食煙火數年不知所終人以爲得仙去故以名巖特補載之

江華之水見於水經注者惟馮水萌渚水其文曰馮水出臨賀郡馮乘縣東北馮岡導源西北流縣憑谿以託名馮帶約眾流

渾成一川謂之北渚歷縣北西至關下關下地名也是商舟改裝之始又左合萌渚之水

左合者自左而合也又徑營道縣而右會營水

今一統志載馮水在縣東南

古馮乘城在今富川彼時此水自當在東北境而又別載

半逢水又謂東河半逢宜遷皆古馮水派又因舊省郡縣三志
互異於半逢水外別立東河水而以麻貝二江專屬之東河是
古與今不能合今與今并不能合矣夫半逢水之為馮水半逢
山之為馮岡無可疑者其地近嶺東下段舊省志引冊說東河
水源出嶺東山即古馮水則馮水東河不得歧而為二東河對
西河而言西河專指春頭源水東河自宜專指馮水曾鉅瀟水考亦云東
馮水馮水既定為經流然後九疑之泚水合砵泚二水由縣東
北流入稱后河縣志砵水出女英峯多磯激自東北流入五十里合泚水泚水出桂林峯自縣北流入按舊志
地圖其流入處作兩派會合形與桂林峯泚水流至縣別為二
又十里合為一者合今王璋所為縣圖則但有合流一派恐誤
也后河之水至於錦田南廣東連州昆吾山之水自宜遷邨西
北流入合錦田諸水以入之稱宜遷水錦田有民密江為上水為中水老河沖
桂酸烏陂等為下水其間有兩至禾洞發源百里與東河會搖
河口又有泚水恐即宜遷之泚疑即泚水異名靈江自北入麻江貝江練
地諸小水濠江霧江

躬恥齋文鈔

卷十六 地志

越峴山館棐

江自南入西北合流至縣東門外會河以達道州酈氏所謂帶
約眾流成北落者殆指此無疑也舊縣志以麻貝二江之水為
河言之水自半逢山委曲至半瀧謂入錦田嶺東流來者為東
逢之故曰半逢舊省志本郡志而錯其文以東河為麻貝自錦
田嶺東流合半逢水一統志由是不得另立東河為麻貝一條
四者參觀之外近日王璋縣圖是以東河源專屬之可指環水亦
即馮逢非二水馮水之源遠麻貝源近自應以遠者為馮水經流
麻貝在東南之水誤謂自東北之錦田來其誤甚於舊省志以
一統志亦仍其誤今但据舊冊說及一統志所云東河半逢皆
斯與酈氏之文自無不合矣 萌渚水南出於萌渚之嶠北
徑馮乘縣西而北注馮水統志今在縣西南一統志謂沱秦冬
冷折等水原作五皆古萌渚水派以西河水為沱水經流而別
列萌渚於沱水之外懸名失經流何所適從今因而斷之曰今
之西河沱水實萌渚也後世因石城娥皇二峯所出水合為
沱遂掩其上游之名亦盲下游之號謂后河沱正也謂西河沱

誤也按諸志西河正脈源出今上五保春頭源其地形高峻險阻當與蒼梧冬冷諸山皆屬萌渚之嶠其下有紅花源

牛部源 **流車源** **旦久源** 諸水

縣圖有盤龍砦東來 會合之水殆卽此也 會成大河東北流徑 合秦水遂令

冬冷折二水又北徑 合洞溪水 一統志謂洞溪在縣東南指發源而言是也惟

云合馮水入施則歷按縣圖皆在西南郡縣舊志昔云洞水出禾田山四十里與沱水合並無又東復合馮水之說自當以郡

縣爲正至謂洞溪卽洞水 洞溪自其發源處曰洞水其徑流處 一統志省志皆同可從也

曰洞溪或分而二之非也西河水既合西條眾水繞施山而北

澱洞曲折行 里徑縣城南折而東遂會東河以達三叉河

入道州界若秦水出吳望山西南流 一統志作西流今從郡縣舊志 五十里與

冬冷水合入西河之萌渚明統志云水聲嗚咽如秦隴故名與

秦山得名互異恐亦傳會之說也若冬冷水出江賀按壤之冬

冷山北流至 與秦水合若折水出廣西賀縣界內

躬恥齋文鈔 **卷十六** 地志 **美** 越峴山館棧

山東流四十里合冬冷水以會秦水皆入於萌渚若洞水其正

源出縣東南禾田山下流四十里 方輿勝覽 入西河其支流爲 作三十里

洞溪乳竇松膏所漬泉甘宜稻飲之者壽稱不老泉溪中產蘭

唐張子厚五世居此年踰九十如少壯自號洞溪翁元結嘗爲

詩貽之 見本 國朝鄭鼎勳王玉輝皆有詩 小水之見于一

統志者又有縣西北三里之龍泉源流不竭極灌溉之利是出

於龍巖 見於縣志及圖者有縣東南與賢鄉之花江又縣西

大同鄉有小陂其水通秦水相近有明泉又有東塘角塘大漁

塘皆有邨在小陂西其東有蓮塘其北有繫馬塘是見於縣圖

按圖春頭山之西有濁水邨其水出 **山** **流入於**

濁水以西北爲甕水邨其西爲清塘塘南爲神江 **又縣西** 南清水源出清水皆入西河又洞溪以北有奔塘又麻江之南有碓石江是近東水源又貝江以南有鵝塘縣東北有藕塘縣

東太平鄉有魯塘大同鄉有平澤又濠江以南有漕灘舊縣團有大壩鷓鴣壩壩縣志水利僅載陂十有四名著於圖者已前見餘不著 若夫縣志邨落門從化鄉之灣江殆卽指洞水言之也太平鄉之鼓子江殆卽指古子渡言之也至若東之小源南之大源以及地以源頭名者不一不能悉辨也

右江華四境凡爲古山一爲古大嶺二爲羣山三十爲羣嶺七爲古岡一爲羣岡七爲巖十有四爲谷一爲洞七爲峯一爲坪五爲石一爲礮一爲砦五爲礪一爲墟一爲古邨二今邨七爲嵯崗六爲灣二水之古今異名者三水之由粵入者三由九疑南來者三又支水自本境出者二水以江名者十有一以河名者三以溪名者二出水而居嵯以源名者七以沖名者一爲井二爲澗一爲泉三爲壩二爲灘一爲澤一塘之附見者八陂之附見者三

躬恥齋文鈔

卷十六 地志

三 越峴山館棗

新田縣名勝志

縣治居城北高阜面當羣岫而後倚一峯如翠屏舊稱翠屏峯
山容巖竦有居中馭外之象四山環嚮若拱若俯似九疑之脈
自南趨北特於此一停蓄者 國朝乾隆中邑令趙宗文傲嶽

麓之意定其名曰疑麓山良有識也山之前舊有宋樂雷發黃
弼書樓今存古址 又城內有香城山在縣治其東境諸山

則鷓鴣山最近距城東門僅里許明邑令張恂初立縣治時改
名鳳凰山 又東門外有羊腳洞相去里有大澗洞又縣東

迤北五里有秀岡又縣東十里有挂勝山木石森列蒼翠清幽
一統志望之如張榜然故名東門外設勝山書院以此 國朝教

諭梅嶧有歌挂勝山之東有青雲山一統志彌望蒼翠常有青雲
護之又縣東一統志作東北十五里有臚山平原沃野突聳一峯高出

眾山之上秀如文筆或亦以樂雷發為臚唱首後人從而張其
躬恥齋文鈔 卷十六 地志 矣 越峴山館采

名與 又縣東 里有平頭嶺屬北二都三甲 又縣正東
十五里有鹿山與桂陽州福塘接壤見縣志 又縣東北三里有朝

陽山古名玉峯山崖門有龍神祠山足出泉為潭其下為潭田
邨邑人嘗登茲山觀旭日倒影潭中稱勝景之冠云 國朝沈

維垣黃應培徐榮封皆有詩 又縣東北二十里有滿田峯自
春陵分支一統志沿舊省郡志文作自衡嶽 屹然聳秀上有神

女祠祈禱甚應 又縣東北二十里上流洞羅井塘之左有太
平山上有寺即里人相傳明初見大士真容處也 又縣東北

五里有召雷嶺元劉開雲生時手有肉印少習元學能召風雷
其壇址尚存又二里為廊下洞上流洞以北有衣架山以形似

衣架名上有泉水流溢不竭東河春水徑其下一統志其距城二
十五里按甯遠志縣北百二十里有曬袍山或即指此也 又

縣東北四十里有東岡嶺一統志其南 里為蠻子嶺其下亦

春水所經也 又縣東北 一統志 里有天堂山崇峻嶽立

俯臨春水上有大坪可容千人蓋卽千馬坪也 又縣東池南

有三源洞 又南 里 爲栗山山以 爲 大霧山小

霧山爲厯尾岡是近鄧家邨接壤桂陽 又縣東南有陶嶺危

巖峻崖迢遶連雲竅巖突壑松竹蔚蒼 邑人鄧華 其石可爲礪

上有伏龍洞中流香泉相傳昔有潛虬蟠伏一日飛出香泉陡

湧洞中有石人呼龍床石上有爪印存焉山麓多古剎相近有

上峯又 里 爲石鼓峯其間又有石門 又縣東南 里 有

斑紫峯 在南 又 一統志 謂縣南有竹紫峯 一作紫竹 其上皆生竹箭

疑一山而兩鄉連比哢言異名竹峯之南有峯拔地而起下有

巖洞中石乳疑結如仙人狀名石仙峯 又縣東南 里 屬

都 有風規嶺相近有金山嶺又鄭家邨後有東山嶺上植古樟

大數圍樹巔有寓生蘭其色紅人以爲鄭氏瑞 國朝甯遠楊

躬恥齋文鈔 卷十六 地志 无 越峴山館采

登頌有詩又甘慶增志稿載南鄉有仙人巖極寬廣有仙人迹

縣南之近山則丹砂巖最勝巖在南門外里許翰林山之麓

相傳巖內產丹砂每雨後有丹砂流出巖頂有石門中爲禪房

巖下有印月潭水漲時巖內俱溢 國朝沈維垣鍾運泰黃應

培黃之綱楊登訓皆有詩 城南逾河丹砂巖之東石崖叢立

有天馬岡山石高聳如駿馬驤首北嚮嘶風之狀 一統志 及舊

志皆作馬頭山 國朝沈維垣黃應培皆有詩 省志縣南門

有桃尾洞郡縣志皆佚按縣志邨落門丹砂巖左有陶寶洞南

門石橋外有唐家洞 又縣南 里 有島館洞龍水洞 又縣

南五里有鰲魚山兩水夾流中湧一山 一統 山下爲神背洞又

-5 175 35 945" data-label="Text">

南十里有青龍山其形如龍上有清泉甘冽可飲相近又有雲

龍山俗稱雲岵其間又有南華山又池西十里爲七賢山山巔

有七賢祠宇歲久佚其名俟考是有三嶺上有砦又 里 爲夏

陂洞 又縣南 里爲下源山其 里有下漕洞其邨有

萬華山宋乾道元年賜名也相傳何嵩兄弟修真處 距縣三十里 其

上多松柏亦產丹砂嘗爲山雉所啄食下有無蟻坪其遺迹也

又 里爲羅家坪又下漕洞有白面砦明初設巡檢今改爲芹

溪書院 又縣南十五里有太陽山下有巖出泉清冽五六月

入遊令人忘暑又南十里有望峯山 又東南有新安洞上有

砦又縣南四十里有三門砦 縣志 又縣東南三十里近白面峯

有賽武當峯 一統志作五當誤 高數里上祠眞武甯遠志所謂距城九

十里之眞武嶺旁有二小山扈之稱龜山蛇山者殆卽此也按

宋李長庚龍會寺記云疑南九十餘里馬瑤江之上接龜山是

新田有龜山之證 國朝邑人徐榮封陳有爵有詩 其右爲

石洋洞崖石如羊屹立首尾宛然又有羊塘嶺有井日羊石泉

水注下漕其間有相公巖巖內源泉不竭上有相公祠祀

躬恥齋文鈔 卷十六 地志 越峴山館采

國朝沈維垣黃應培樂之祁劉敦仁皆有詩 又縣

南三十里有芥子山 在都平原曠曠特起一峯望若浮圖 一統志

中有空谷可以行坐爲山僧所栖其上有景仙寺去芥山 里

有清水洞又 里有龍巖 又縣南有平山有邨名大厯縣蓋

唐時故縣址也 又縣 南有沙石巖極高廣有泉水灌田千

畝在 邨 又縣西南 里 都有小山其下有邨相近

有芳蘿洞是有蘿谿又 里爲安塘洞 又縣西南 里 都

地有天柱嶺嶺背爲宋龍會寺 永李長庚記 是有龍會潭其 有砦

牛岡 縣志 又縣西南 里有吼天獅巖高數十丈石有獅吼形

巖深數里其上出雲土人恒以占雨云 縣志 相近有鳳石 又甘

慶增志稿載縣南鄉有太平巖極清曠上祠女仙又有碧潭巖

在縣南下有碧水潭又有通石巖在縣南其石如弓橋形通關

可出入 又縣東南境康熙間蕭山陳來埏新開都里以其近

桂陽者爲桂一桂二兩鄉其間有芒東嶺是距縣里相連有雲梯嶺又里爲黃家峯相近有崇嶺又里有大富岡

又縣西南里有石佛崖石人竦立故名上有古砦又縣

西南二十里有大光嶺縣亘數十里跨甯遠境又十里爲春頭

山上有大井二出泉清冽一方賴之見一統志蓋春陵之支山

也縣西城外半里有寒煙峯一名龍鳳山其巔有迎恩寺

國朝錢塘黃應培有詩又西門外谿口崖上有新田洞一統

萬厯初置新田營明末置縣名新田以此志相近有壽富洞洞

側流沖橋之上有雞栖嶺舊志又隔谿二里許爲茂田洞縣志又

西三里爲月華山相連爲武陵山又五里爲經山甘志又有遷

官嶺石峯峻異省志近遷官嶺爲張衍砦上爲龍泉山峭壁鱗起

泉流石梁巉巖之中深藏古寺國朝邑令沈維垣黃應培邑

人劉向陽皆有詩龍泉以西五里一統志舊志皆上莊有清風

躬恥齋文鈔卷十六地志里越峴山館采

巖巖形如旋螺灣環而上爲精廬下有黑潭出黑氣卽雨按

邑人鄧華佐山水記有瓶祖巖燃藜而入側身數武一竅透光

頂結螺篆下鳴幽泉石淙流凝異象瑰怪有石下垂拊之協鐘

磬聲暑入而冽臘入而汗窮穴底又闢一境愈入愈異爽氣逼

體胸懷開朗人以此林屋洞天云諸志皆不列瓶祖華佐不詳

其所在惟中具螺形兩巖若一今並存之又縣西里陳

樞所開右三都有瀟浦嶺俗稱小步又里有虎祖山山具虎形又

里有平頭嶺其里爲三派洞水所徑凡分三派故云

縣境山勢多平獨縣西數峯特起如玉笋與九疑諸峯極相

似邑人統稱之曰西峯下爲西山坡近人多爲之詩惟劉向陽

詩可錄峯之在西而有名者曰羊角峯最峭拔嶽嶽如角學宮

嚮之又里爲潮水洞潮水陂出其下相近有陰洞其南有

雲溪洞又縣西北十五里爲夫人山是在同陂邨口舊志又五

里爲風神巖陡峻巉巉止徑可盤旋而上其下爲驥邨一

統志邨之有石甌山又西南接甯遠界者曰莊下洞又縣

西北十二里有劉四巖巖右有穴穴口僅容一人其內寬厥可

坐千人一統志又縣西北二十里有金雞山獨立高聳竹樹迷離

蒼翠欲滴志是在上英源舊志縣志同縣西北之山其名最古

而今志皆佚者爲潭山水經注所謂營陽春陵縣西北潭山是

也按其地當卽今零陵甯遠新田三邑連跨之陽明山在春陵

山西北者其上有龍潭凡七亦稱七星潭相傳羣龍所居絕頂

一潭時出雲氣見怪物以修綆探其底不可極下與諸潭皆通

以潭名山理或然也蓋春陵一山縣亘遼闊從其陽謂仰山從

其陰謂潭山皆取其至高者名之其餘峯嶺竦壘殆以百數縣

志謂西河出烏江源九十九峯而山川門惟載礪石洞之九峯

山甯遠志云陽明山後爲礪石峒一作礪石新田北鄉居其東出水

躬恥齋文鈔卷十六地志望越峴山館采

曰春水則烏江源當接近礪石而九峰者或鄉語省簡卽九十

九峯也山之西北爲黃溪爲分水嶺桴江一作蕪江黃江東春水分

流處嶺地屬零陵山之東爲白水嶺地屬甯遠而舊志謂原隸

甯遠今析於新田蓋近分水嶺有分水峒近白水嶺爲白水岡

皆指錯壤連界處言之山又東接黃檗嶺下有獠崗亦壤接零

甯之交舊志謂析入新田則較前二嶺爲近也山又北接常甯

界爲羊山板角峒西抵祁陽界爲山斗嶺近落山峒落山蓋卽

洛陽山之譌又西抵甯遠界爲劉家山是皆春陵諸支山明史

地理志載縣有春陵山以此也按衡州府志常甯縣南塔山東

跨大小猛峒西連礪石卽礪石字異今甯遠有猛江源土音呼猛如

茗大猛大茗蓋卽柳宗元文所謂大冥之川者然則在新田曰

烏江在零陵曰蕪江在甯遠曰巫江在祁陽曰吳水音譌字異

歧出複見可推而知矣縣北門外里爲藍田洞又有觀音

寺

其上下石罅中七井如連珠名石珠井灌田甚溥縣志又縣北有

鳥背山縣志有大瓜嶺近秀峯陽明志又縣北縣志里有貓碓

山縣志又縣北亦有白雲峯高峻入雲上有巖深廣入室中

有巨人跡石乳下垂擊之中音律見舊志山頂出泉久雨不溢久

旱不乾 又縣北二十里有五龍山煙嵐環結天半極秀志

上有鏡石可鑑白水徑其下以趨祁陽 又縣北二十里有金

蓮山山如華頂左右出泉相連為中華山甘志 又縣北二十

里有老君巖 按鄧華佐山水記縣有石婦山相傳昔有娶婦

者經其地遇狂風暴雨婦化為石每日石高寸許後為雷所劈

遂以石婦名山 其石之異者則下漕洞有蓮華石華瓣絕肖

相傳為黃鶴仙人趺坐處 又城東水涯有觀音石石肖觀音

坐蓮華形其下有僧石如僧人披袂膜拜狀其臂有孔吹之有

聲 又縣南縣志 邨有笏石縣志 邨有螺石 又縣北縣志 邨

躬恥齋又鈔 卷十六 地志 聖 越峴山館棗

有雙獅石 又南二都有石龜鼈云

縣境水之大者曰東河西河皆春水也水經注云春水上承春

陵縣西北潭山又北徑新甯縣東今甯甯縣又西北流注於湘水

今按其源流其曰東河者即春陵山白水分派自縣東北東岡

縣志此下有 而來徑蠻子嶺縣圖作寨子嶺過千馬坪至上流源滿田

白水二字 廊下諸邨曲折南流又西折以至縣城下與西河會以入湘其

曰西河者則潭山所出之正流俗稱烏江源從九十九峯南流

徑金雞山合肥溪又折而西過夫人山下會驥邨龍王廟下潭

水出栢家峒委蛇至城西復折而東南流與東河二水會合流

出麻窩窰徑嘉禾與歸水合東入桂陽州境稱衡塘水西下小

十八灘合桂水乃北流入常甯縣境稱焦源河一作源又折而西

徑盟山及風仙山北入於湖今謂焦源河口是也 縣東南羊

石泉合下漕洞之漕溪水遠山折流而西入於甯春水其間有

鷺安蕩亦名鵝井陂泉出最清灌溉極溥相近又有雞井陂小溪
縣東北有上流陂又東爲小源水入於東河又縣東北有
羅山陂相近有社潭陂 又縣東北 里有龍陂 縣西南
亦有龍水又有清水洞之清水 又縣西 里有西嶺陂相
近有大源陂迤南爲雲溪溪水入於西河相近爲煙竹陂三門
陂縣志所載境內水陂七十有四今僅錄其名之稍著者 其
井泉則城 有楊柳井下漕有獅井清水洞有鶴井北鄉山下
洞有山下井縣東南鄧家邨有聖泉出自石崖 又縣東李家
山有蛟龍井其水殊香亦曰蛟龍潭 又陶嶺下有龍牀井山
石如龍眠鱗介偃伏龍首垂井出水甘澄亦異蹟也又西南十
五里有香花井出危石下徐家峒有葫蘆井灌田甚遠 又縣
西龍坪有大泉井 又南鄉白芒邨有泉湧出如玉稱碧玉井
又白面峯寺後有巖孔出泉曰濬靈泉近人陳有爵有詩

躬恥齋文鈔

卷十六 地志

越峴山館乘

其潭塘則城東三里有蓮塘城南五里有鷗家潭又十里長富
橋下爲桃潭相近有大坪塘 又縣西 里有五柳潭 又
縣南有苦竹塘其東有龜石塘 縣東北則有月湖潭琵琶潭
及南塘縣北 有鴉鵲塘及蘭灣云

右新田城內凡爲山二爲峯一四境爲古大山一爲羣山四
十有九爲嶺二十有四爲峯十有一又羣峯之在烏江源者
曰九十九爲巖十有二爲崖一爲岡六爲洞五名之古者一
爲民獠邨尚二十有五爲邨三爲石門一爲異石八爲砦三
爲坪五古水而今異名者一爲支水四爲溪五爲泉四爲井
八爲潭八爲灣一爲蕩一塘之附見者五陂之附見者十有



